

Secretario di Estado Benshop ta señala


Aruba, Antiyas y Hulanda ta confrontando problema den Union Europeo

ORANJESTAD(AAN) -- Durante un conferencia di prensa, Minister di Turismo y Asuntonan Economico, dr. Lili Beke, a duna di conoce cu diamars y diaranzon tabata di bishita na Aruba e Secretario di Estado di Asuntonan Exterior Hulandes, Benshop. E mandatario a splica cu e bishita ta relaciona cu diferente asuntonan cu ta worde papia ariba entre gobierno di Aruba y gobierno Hulandes.

Segun Minister Beke, pa loke ta trata e ministerio di Asuntonan Economico den Reino Hulandes ta papiando riba e asunto di LGO relaciona cu e acuerdo cu a termina na fin di Februari 2000. Esaki a worde prolonga cu un aña pues cu fin di e luna aki e

lo termina. Aña pasa a pensa pa traha pa yega na un prolongacion di e acuerdo LGO. Actualmente ta trahando riba esaki. Durante diferente bishitanan cu e mandatario a haya y tambe combersacionnan cu a tuma lugar e intension tabata pa Benshop bishita Aruba y Antiyas pa asina e por ta na altura di con tur cos ta bay y kico e acuerdo LGO ta nifica pa Aruba y Antiyas.

Minister Beke a splica cu tabatin un programa amplio prepara pa Secretario di Estado di Asuntonan Exterior, Benshop, pa asina e por haya tur e informacionnan cu e ta desea riba kico e impacto di e acuerdo LGO ta pa Aruba



y Antiyas. Na Antiyas tambe tabatin un programa amplio pa Benshop.

Benshop a duna di conoce di ta contento di ta na Aruba den cuadro di e bishita di trabao na Antiyas y Aruba. Benshop a bisa cu el a reuni cu Minister Beke y ayera tambe el a reuni cu Minister Presidente, mr. Eman riba e relacion y e acuerdo cu ta existi entre Aruba y Union Europeo (acuerdo LGO).

Benshop a bisa cu e acuerdo

aki a cancela y awor mester traha riba un acuerdo nobo. El a mostra cu e plan di e union Europeo no a resulta manera tabata spera. Na principio a mostra cu e negoshi di aroz y sucu lo bay ta hopi factibel pero Union Europeo a pone limitacionnan na esaki y esey a pone empresanan cu a haci uso di e posibilidadnan aki den un posicion dificil.

Benshop a mostra cu ora 1 aña y mey pasa el a worde confronta cu e asunto aki el a bay profundisa di e asunto aki y a keda palabra cu den bon reunionnan lo fiha e punto di bista di gobierno di Antiyas, gobierno di Aruba y gobierno Hulandes pa conhuntamente defende nan punto di bista na Brussel hunto cu e otro miembronan di Union Europeo. Benshop ta kere cu Reino Hulandes lo sigui mantene e bon cooperacion aki cual ta un di e condicionnan pa por logra exito.

El a mostra cu e posibilidadnan pa haci negoshi y e palabracionnan cu kier haci pa e acuerdo LGO nobo no tin hopi sosten den Union

Europeo. Notabel ta cu paisnan cu tambe tin zonanan riba laman manera Francia no ta sosteniendo e idea. Esey ta nifica cu lo mester bay hiba un lucha na interes di Aruba y Antiyas. Benshop kier crea seguridad pa e empresanan cu tin, pa nan sa con nan ta para pa e proximo añanan y ki posibilidadnan lo bin. E intension tabata pa 1 di Maart tin e acuerdo LGO nobo cla pero esey lo no keda realisa y pesey lo prolonga e acuerdo LGO bieu pa algun luna mas pa asina sigui hiba e discusion na Brussel riba e acuerdo nobo LGO. Gobierno Hulandes lo tuma un posicion firme den e asunto aki hunto cu gobierno di Aruba y gobierno di Antiyas pero na mesun momento lo sondea un solucion pa e asunto aki.

Benshop a mostra cu no ta sigur cu Aruba lo sigui haya sosten financiero for di Union Europeo. Union Europeo a propone pa stop e sosten financiero pa Aruba. Loke si ta sigur cu lo bin posibilidad nobo pa admision entre otro riba tereno di enseñanza.

Biento fuerte ta causa peligro ariba lama

ORANJESTAD(AAN)- Durante ultimo dianan, Aruba ta experencia un biento basta fuerte. E regimen aki ta worde causa pa e forma con e isobarnan ta core y te cu ayera tabata indicacion cu e situacion lo prevalece awe tambe.

E biento fuerte no solamente ta manifesta su mes na tera, pero tambe ariba lama, cu ta bira mas bruto.

Prevencion mester worde tuma pa evita cualquier situacion peligroso cu por tin desenlace indesea. Esnan cu ta huur ekipo di deporte aquatico, mester tene cuenta cu e situacion mescos cu esnan cu ta bay canto of den lamar.

Especialmente na sitionan manera na e punta Noord di Aruba y lugarnan cu hopi bez turistanan ta bishita pa disfruta di e

fenomeno natural cu olanan ta produci, ta bon pa tuma medidanan di prevencion pa evita cualquier situacion desagradable.

E LENGUA MORTAL!!



TELEFONNAN
DI DIARIO
826747
FAX
828551